

Ban bishita nos monumentonan

Diadomingo 15 di september ta “Dia di Monumento”

DIADOMINGO dia 15 di september ta Dia di Monumento, na unda nos ta bay celebra nos historia, nos cultura, y e herencia cu nos antepasadonan a laga pa nos. Dia di Monumento ta mas cu un festividad, ta un ocasion pa uni nos comunidad y honra e legado di nos cultura. E dia aki nos ta fortalece e conexon cu nos pasado, nos ta crea un futuro pa e generacionnan cu ta bini tras di nos. Esaki ta un dia cu no solamente ta pone nos pensa riba e edificionan y luganan historico cu nos tin, sino tambe riba e buniteza di e historia cu nan conta.

Relaciona cu e dia special aki, Stichting Monumentenfonds Aruba ta organisa un “openhouse”, e portanan di nos monumentonan ta wordo habri pa ricibi comunidad y asina comunidad por experencia e buniteza y rikeza di nos herencia.

Na aña 2024, Aruba y Boneiro lo organisa e prome Open Monumentendag den Caribe, cu e tema “Na Caminda”. Esaki ta un proyecto piloto cu ta wordo realiza na Aruba y Boneiro cual lo sirbi como un plataforma pa evalua, y si e resultado ta positivo, lo sigui cu un Open Monumentendag anual den luna di April 2025, na ocasion di Dia Mundial di Cultura.

Departamento di Cultura ta sostene y participa den e bunita evento aki y pa medio di esaki ta haci uzo di e oportunidad pa invita nos comunidad pa yega mas cerca di nos monumentonan, cual ta un parti esencial di nos identidad. E evento aki ta pa tur hende, di tur edad, y incluso nos turistanan cu tin interes den e herencia di Aruba. Lo tin e oportunidad pa publico bishita e monumentonan cu normalmente ta cera pa publico.

Bishita y conoce e historia di e 13 edificionan historico y monumento di Aruba cu lo habri nan porta pa publico entre



10 or di mainta pa 3 or di atardi. E bishitantenan lo por participa na diferente actividad cu chens pa gana premio durante e evento final cu lo ta entre 3 or y 5 or di atardi riba e parkeo di Postkantoor. Siguietemente e lista di e 13 edificio historico y monumento cu ta participa y nan programa:

1. Casita Geel, Weststraat 15

Actividad: Apertura pa 10 or di mainta di Dia di Monumento 2024.

Departamento di Cultura lo ta presente, lo tin Grupo Palicia, Reinanan Cultural y animacion di DJ.

2. Postkantoor, Oranjestad

Actividad: Historia di Post y actividad pa nos muchanan.

3. Henriquez Pand, Schelpstraat 36-38:

Actividad: Lo duna informacion di e edificio y di Monumentenbureau.

4. Museo Arqueológico, Schelpstraat 40-42:

Actividad: Recorido den e edificio hunto cu miembronan di famia Ecury, Charla di Raymundo Dijkhof, Documentario Dada Picus y actividad pa nos muchanan.

5. Stadhuis, Wilhelminastraat 8

Actividad: Presentacion di ‘Een muis in het stadhuis’.

6. School 1888, Wilhelminastraat 6

Actividad: Presentacion Slideshow historia School 1888.

7. Casa Rosada, Wilhelminastraat 58B:

Actividad: Lo ta habri pa publico bishita y admira.

8. Cas Debrot, Caya Betico Croes 98:

Actividad: Exposicion “Na Caminda” y presentacion “Memoria Ancestral”.





9. Cas di Brenchi, Ooststraat 2:

Actividad: Lo ta habri pa publico bishita y admira.

10. Botica Aruba, Steenweg 19:

Actividad: Architectenbureau Archiosa lo duna informacion di e edificio y lo tin Arts and Crafts pa muchanan.

11. Metacorp, Wilhelminastraat 17:

Actividad: E museo lo ta habri pa publico bishita y admira.

12. Fort Zoutman:

Actividad: lo tin recorrido den e edificio y lo organisa speurtocht pa nos muchanan.

13. Protestantse Kerk:

Actividad: Lo ta habri pa publico bishita y admira, y lo tin recorrido den e edificio.

Lo tin diferente actividad publico

Na Cas Veneranda, situa Wilhelminastraat 7, lo tin presentacion di Lider di e Proyecto pa 2'or di atardi. Na e parke na Wilhelminastraat 72 lo tin actividad cultural cu baile y



musica bao encargo di Departamento di Cultura. Esaki lo tuma luga entre 10:30 di mainta pa 3 or di atardi. Na e plaza chikito dilanti Museo Arqueologico den Schelpstraat lo tin presentacion di Grupo Tipico y baile entre 10 or y mey di mainta pa 3 or di atardi. Den Ooststraat lo tin presentacion di Caha di Orgel y lo tin un vlooiemarkt (marktkrampjes). Na e parkeo di Postkantoor lo tin e clausura di e evento cu presentacion di banda Tsunami for di 3 or di atardi pa 5 or di atardi.

Invitacion General

Por ultimo Departamento di Cultura Aruba ta enfatiza un bes mas e importancia di un evento manera "Open Monumentendag", un invitacion na comunidad pa ban asisti na e evento aki y haci esaki uno exitoso y cu e por bira un evento anual na unda nos comunidad por participa y experencia e buniteza y rikeza di nos herencia. Un danki special na Stichting Monumentenfonds pa organisa esaki y tur instancia cu ta participa y nan cooperacion brinda na e prome Open Monumentendag.

